

四庫全書

子部

欽定四庫全書

子部

海錄碎事卷十四

詳校官中書臣李彤

侍讀臣孫球覆勘

總校官進士臣繆琪

校對官中書臣王瓚

謄錄監生臣黃奕選

欽定四庫全書

海錄碎事卷十四

宋 葉庭珪 撰

百工醫技部

百工門

馬排

魏韓偓傳云舊時冶作馬排蒲拜反為排以吹炭

膏墨

離子督墨離婁也墨謂繩也 琴賦

隱屏

今令細人操造幣之執各隱屏而鑄作前漢志

決銀

南楚新聞薛昭緯經巢賊亂流離道塗忽遇一舊識銀
工邀昭緯食其豐昭緯以詩謝之曰一櫟羶根數十鉞
盤中猶更有紅鱗早知文字多辛苦悔不當初學冶銀
學藻績

游睢渙者學藻績之飾睢渙水名其處人能織錦綺選

陳孔璋書

吳宮三絕

吳王趙夫人巧妙無比宮中謂吳宮三絕機絕針絕絲
絕拾遺記

方技門

黃盧氏

黃盧氏姓葛名越能入水中名龍行雨神仙傳

吞琅玕

吞琅玕之華而方營丘墓者衍門子高丘子洪崖先生
是也三人者皆有墓在世間而實尸解神仙傳

北海術

擬悼亡詩我慙北海術爾無帝女靈注北海營陵縣有
道人能令與死者相見同郡人喪婦經年乃令見之語
如平生

驚奴

白校書有神術嘗於兩腕出五色彈子兩枚化為雙鷺

而飛呼曰驚奴復化為二小劍長五寸餘飛舞不已洞
微志

指端浮圖

休胥國道人尸羅於指端出浮圖十層高三尺人長五
六分各執幢蓋繞塔而行拾遺記

稠桑老人

李行修喪妻偶得稠桑老人以術見其妻如平生

異聞集

削竹致雨

漢馬均能削竹為人致雨 玉箱雜記

赤鈴玄珠

有以茱萸令郭璞射之璞曰子如赤鈴玄珠案大言是

茱萸 出洞林

日雨衙

丁文果覆射蜂曰藹藹華華山中採花雖無官職一日

雨衙

械自解

後漢許揚興復鴻郤陂百姓得其便太守聽豪右之譖
收揚下獄而械輒自解方術

巧發竒中

李少君資好方善為巧發竒中

搯擊

五利將軍藥大見數月佩六印貴震天下而海上燕齊
之間莫不搯擊而自言有禁方能神仙矣搯音厄擊古
手腕之字

詛匈奴

丁夫人以方祠詛匈奴大宛

郊祀志

迎年

方士言黃帝時為五城十二樓以候神人名曰迎年注

若云祈年也

郊祀志

傳著星歷

辯士見一端或妄以意傳著星歷著治略反

息夫躬傳

善為星

賁麗善為星賁姓麗名也

怕八井

邠州有馬生者非卜筮而前知柳公綽嘗問云馬曰僕射只怕八井後果于并州遇疾

唾盤成獺

劉綱唾盤成鯉其妻樊夫人唾盤成獺食之列仙傳

縮地脈

費長房能縮地脈千里聚在目前列仙傳

梯雲挈月

見中秋門

黃車使者

漢書虞初周說九百四十三篇初河南人武帝時以方士侍郎乘馬衣黃衣號黃車使者

東海黃公

西京雜記注東海黃公少時能幻術制蛇御虎

刀劍門

赫雷

外史禱祝王建召山南節度王宗侃責之曰汝今又狂
率豈不畏赫雷乎赫雷建刀名也

純鈞

勾踐五寶劍其一名純鈞

兩錢錐

干將補履不如兩錢之錐

六帖

火精劍

德宗幸奉天攜火精劍出于殿內遂以劍斫檻鐵狻猊

應手而碎

得劍以王

林邑國王死奴文篡立文常放牛于山澗得鱧魚二化
為鐵因以鑄劍劍成向石誓曰若斫石破者我當王因
斫石如斷芻藁

三劍

莊子臣有三劍天子諸侯庶人劍也

金錯刀

見贈送門

豐隆推

豐隆奮推飛廉扇炭鑄劍如此七啟

水刃

霜鏐水凝水刃露潔上

大犀翠綠

飾以大犀彫以翠綠上

龍淵

有龍淵之利然後可以議于斷割注寶劍也曹子建書

孟勞

穀梁傳孟勞古之寶刀也

上市

上市寶劍也秦有太阿上市

豪曹

寶劍越有豪曹魚腸七命

青犢

崔豹古今注吳大帝有寶刀三一百鍊二青犢三漏景

脫光刀

梁簡文謝齊善勝刀啟云名均素質神號脫光河圖書
有脫光刀

半亩刀

續漢書光武買半亩佩刀懷之見李通

倚天長劍

宋玉大言賦方地為車圓天為蓋長劍倚天外

屬鏤

龍珠切劍名吳夫差賜子胥屬鏤之劍史記

辟閭

孫卿子曰干將莫邪辟閭皆古之良劍也

步光劍

子貢傳越王奉缺屈盧之矛步光之劍以賀吳王大悅

切玉

大業記寶劍出自昆吾溪照人如照水切玉如切泥

橫刀

男兒何不帶橫刀李賀詩

辭鄉劍

我有辭鄉劍玉鋒堪截雲上

劍花

朝嫌劍光靜暮嫌劍花冷上

三尺水

李賀劍歌先輩匣中三尺水曾入吳潭斬龍子

蘭纓

朔客騎白馬劍弢懸蘭纓俊健如生猿肯捨蓬中螢李
賀詩

蛇化銅劍

武勝公常于灘口見雷公逐一黃蛇或以石投之鏗然
有雷聲雷公飛去得一劍有文云許旌陽斬蛟第三劍
也

善勝

陶真有二刀一名善勝一名寶勝往往飛騰如二青蛇

芝田錄

飛景

魏文典論曰選茲良金命彼國工精而鍊之至于百辟
淬以清漳光似流星名曰飛景

葛黨刀

唐詩多用吳鉤者刀名也刀彎今南蠻名之曰葛黨刀
玉堂閒話

橫腰劍

宜無橫腰劍屈彼淮陰人李白詩

蓮花劍

起舞蓮花劍行歌明月弓送人從軍李白詩

長劍拄頤

嚴陵高揖漢天子何必長劍拄頤事玉階上

千牛刀

謝淖宋拾遺有千牛刀即人君防身刀也其義取庖丁
日解千牛而刀刃若新發硎之義

帶長鋏

帶長鋏之陸離

離騷

隙月

隙月斜明刮露寒
練帶平鋪吹不起

李賀詩

膠漆門

蟻絮漆

吳錄居風縣有蟻絮漆人視土中知有蟻因墾發以木
皮插其上則蟻出緣而生漆

呵膠

呵膠出遼中可以羽箭又宜婦人貼花鈿呵噓隨融故謂之呵膠劉貢父有和陸子履詩云此膠出從遼水魚白羽補綴隨呵噓

螯膠

洞冥記善苑國嘗貢一蟹者其殼為膠謂之螯膠勝於鳳喙之膠

醫卜門 平陰陽家附

大橫

漢文帝為代王漢遣陳平迎之筮得兆云大橫庚子

為天王

巫陽

宋玉招魂云帝告巫陽曰有人在下我欲輔之魂魄離散汝筮與之乃下招曰魂兮歸來陽巫名

三五

抱朴子軍術曰大將軍當明案九宮視年在何宮常就

三居五五為死三為生能知三五可以橫行天下又見
軍旅門

錢自至

嚴君平曰今我以下為業不下牀而錢自至尚餘數百
塵埃厚寸不知所用前宿子家人定而役未息晝夜汲
汲未嘗有足奈何欲以不足奉有餘

水醫

嶺表殺牛治病名毛藥每熟病作以水自首淋之名曰

水醫

高手醫

謝玄疾詔遣高手醫二人

三折肱

左傳云三折肱為良醫

靈保

詔靈保召方相注靈保神巫也馬融賦

三錢舞

王庭湊嘗詔五明道士卜擲卦三錢皆舞

見耳目記

奇艾神火

奇艾神火良藥妙針

孔瑞之艾賦

靈藥聚艾

神仙次藥有靈藥聚艾

漢武內傳

火烧瘡

火烧瘡醋泥傳之甚妙

瑣言

馬頭易卜

臨孝恭撰孔子馬頭易卜書一卷

北史

瞻星揆日

隋文帝遷都詔今之宮室近代權宜又非謀策從龜瞻
星揆日

祿命書

楊伯醜著祿命書二十卷

神明墓

東北神明之舍西方神明之墓

西漢郊祀志

雞卜

武帝命粵巫立粵祝祠而以雞卜粵祠雞卜自是始用

注持雞骨卜如鼠卜

鼠卜見上

本草待詔

漢匡衡奏罷本草待詔七十餘人

占古語

古之人君謀事必就祖發政占古語

韓安國傳

五繇

既感羣后之譴辭又悉五繇之碩慮注五繇卜辭也音

宙 班固典引

日者

史記有日者傳注云墨子曰墨子北之齊遇日者蓋占
候卜筮之通稱

智骨

郭璞傳圓策與智骨謂者龜也

占鼎無足

孔子使子貢出久之不返占得鼎卦無足弟子輩皆以
為不來矣顏回曰鼎無足其來丹來耶果然商芸小說

筮氏

懼筮氏之短長鑽東龜以觀禎思立賦

靈氛

索瓊茅以筮蓍命靈氛為余占之注靈氛古之善占者

離騷

龍穴砭鍼

江陵府圖經龍穴里出砭鍼

王彥伯醫

王彥伯自言醫道將行列四五釜煮藥於庭老幼塞門
彥伯各曰熱者飲此寒者飲此翌日各持金帛來謝云
無不效者國史補

黃中君

竇庭芝與卜者胡盧生相善一日謂庭芝曰君家禍將

至非遇黃中君鬼谷子不可救教庭芝以物色求之得李鄴侯泌傾家結之未幾朱泚之亂庭芝陷賊事平德宗命誅之泌以前事上聞特貸其死德宗云所言黃中君蓋指朕謂卿為鬼谷子何也劇談錄

對脈

唐宮中以診脈為對脈

大中遺事

鴻術

郭璞巫咸山賦序巫咸者實以鴻術為帝堯醫

一馬田

一馬之田介山之志愈厲管子曰卜者卜吉凶利害也民之能此者皆一馬之田一金之衣

厲鍼砥石

扁鵲使弟子厲鍼砥石

史記

八頌局和

八頌局和六祈輟滌注用周禮占人以八筮占八頌太

祝掌六祈事

藥餌門

丹石附

五石

安期鍊五石丹砂雄黃白礬曾青磁石

行藥

鮑明遠行藥至城東橋詩注因疾服藥行而宣尊之也

五藥

淹留訪五藥顧步行三芝五藥草木石蟲穀也三芝石

芝靈芝肉芝也

沈休文

三芝

見上

金膏

金膏滅明光水碧綴流溫金膏仙藥也

水碧

見上

九籀

鮑明遠詩五圖發金記九籀隱丹經朱芝法有五故云
五圖出太清金匱記仙經有九轉金液丹法

瞰野葛

張華博物志魏祖習噉野葛至一尺亦能少飲鳩酒

六一泥

寄李山人鵬鵬懶擊三千水龍虎閒封六一泥

太一爐

褚載詩唯教鶴探丹丘信不遣人窺太一爐

燎丹

燎丹音了金石藥伏火者

藥石

古之砭利用石故云藥石

參同契

肘後經 並見道仙門

九華丹

小白山中仙人趙廣信多來都下市丹砂作九華丹

水銀銀

夏侯嘉正太宗時為正言喜丹竈嘗曰使我得水銀銀
一兩知制誥一日平生足矣俱不遂卒

竹節盛丹

庾信老子廟詩盛丹須竹節量藥用刀圭

藥有君臣佐使

本草云按用藥如立人之制若多君少臣多臣少佐見氣力不周也

決命大散

賀蘭隆有氣疾或勸其服決命大散

萬金良藥

灌夫身中大創十餘適有萬金良藥故得不死

九丹

伏煉九丹成方隨五雲去李白詩

藥所悞

服食求神仙多為藥所悞選古詩

金液還丹

金液還丹太上所服

遣疾

本草云上品藥性亦皆能遺疾但其勢力和厚不為倉卒之効

鍊白兔

王卿為天師守丹竈竊發其封窺之白兔躍出眾皆曰丹已去矣一道士化為鶴飛去須臾擒兔來復投之竈中

圖畫門

誤筆蠅

曹不興畫屏風誤筆點污似蠅孫權謂是真蠅彈之

粉絲

畫鷺驚詩閒颺粉絲荷葦外數聲唯欠叫秋陰林逋詩

誤墨牛

王獻之為桓溫畫扇誤落墨因作駁牛甚妙

丹青紺素

廟貌雖著於丹青名氏罔標於紺素

四六集

十眉圖

大慈寺壁畫明皇按樂十眉圖在蜀中

畫斷

畫本

隋鄭法士求楊愔畫本楊指市門人物衣服車馬此畫本也

幻藥

太宗時江南李王獻畫牛畫則嚙草欄外夜則歸卧欄中莫曉其理僧贊寧曰此幻藥所置南海倭國有蚌淚和色著物畫隱夜見沃焦山有石磨色染物畫見夜隱事

見海外記

六法

畫有六法一曰氣韻生動二曰骨力用筆三曰應物象
形四曰隨類賦綵五曰經營位置六曰傳移模寫

畫斷

禪會圖

李遵勗揚億劉筠聚二三僧談宗性各繪其象曰禪會
圖

醉客圖

衛協畫醉客圖

陵陽樣

歷代畫記賣師綸性巧創瑞錦官綾章采奇麗蜀人至今謂之陵陽公樣

油素

人蓄油素家懷鉛華油素絹也

任彦升表

分甘圖

見果實門

脫壁

吳道子畫壁云風雲將逼人鬼神如脫壁

複隴

複隴迷村徑重泉隔漢津題小小寫真

王耐兒

吳道玄之弟子善畫鬼神

畫斷

心訣

吳道玄謂人曰盧梭伽不得心訣用思太苦其能久乎

吳嘗授以手訣

畫斷

盧稜伽見上

邊鸞

永壽寺園塔上四面花鳥邊鸞畫也故段成式詩云活禽生卉推邊鸞

畫聖

北齊楊子華號畫聖出名畫記

北風圖

博物志劉褒漢桓帝時人曾畫雲漢圖人見之覺熱又

畫北風圖人見之覺涼

食天廚

顧長康畫清夜游西園圖梁人跋云圖上若干人遂食
天廚尚書故實

一日之跡

明皇令吳道元往貌嘉陵山水回奏云臣無粉本並記在
心乃令圖之一日而成是時李思訓亦善山水帝復令
貌數月方畢回奏帝曰思訓數月之功道元一日之跡

歷代畫斷

地獄變相

吳道子畫地獄變相都人懼罪兩市不集屠沽矣

歷代

畫斷

應手生枝

張瑛畫松云應手生枝則潤如春澤上

廐馬師

帝問韓幹曰內之廐馬皆臣之師也

名畫記

水墨仙

縹緲營丘水墨仙
謂李成東坡詩

博奕門

呼五白

成梟而年呼五白
注倍勝為年梟
當成於年又呼五白
以助博也
五白博齒也
宋王招魂

劇碁

羊戎曰
既佳光景
當得劇碁

百禪

吉士瞻少時嘗于南蠻國中擲博無禪寒露為儕輩所侮及平魯休烈軍得絹三萬匹乃作百禪其餘並賜軍士不以入室

南史

六博

六博用十二棊分白黑各半擲之見鮑宏博經

玉棋

玉棋終負故山樵

王禹玉詩

大桑局

先教丹朱棋以文桑為局犀象為子

玉樓子

離離馬目

離離馬目連連鴈行

馬融圍碁賦

三尺局

三尺之局為戰鬥場

圓奩

圓奩象天方局法地

並圍碁賦

擲骰法

宋居士說擲骰法呪云伊帝彌帝彌揭羅帝念滿千萬
遍彩隨呼而成

康國獬

玄宗與親王碁上數枰子將輸貴妃放康國獬子上局
子亂上大喜

坐隱

王中郎以圍碁為坐隱支公以圍碁為手談又謂之棋

聖出語林

十擲輒韃

齊卞彬曰擲五木子十擲輒韃宜見擲子之拙

局上有劫

晉阮簡為開封令賊有劫外白甚嚴簡方圍其吏曰劫
急簡曰局上有劫亦甚急

鸚鵡壞局

韓渥姚洎俱為翰林學士從昭宗幸岐渥每與而使勅

會基兩使不勝洎即以手環之渥呼為白鸚鵡若洎不在兩使將輸必大呼曰白鸚鵡洎應聲至金鑾密記白鸚鵡環局事見明皇雜錄雪衣娘事

意錢

梁冀好意錢之戲注攤錢也

拙行

孔熙先與范曄子博故為拙行以物輸之因與曄狎

奕旨

古丈苑有奕旨一篇其略云高下相推人有等級若孔氏之門回賜相服固本自廣三分有二敵人恐懼而不誅周文之德既有過失能量弱強逡巡而行保角依旁却自補續雖敗不亡繆公之智也

手談池

大中間日本國貢玉碁子云本國南有集賢島上有手

談池池中出碁子杜陽編

償博進

陳遵祖父遂字長季宣帝徵時與有故相隨博奕數負
進帝即位用為太原太守賜璽書曰制詔太原太守官
尊祿厚可以償博進矣妻君寧時在旁知狀遂辭謝曰
事在元平元年赦令前其見厚如此注進者會禮之財
也

六博爭

六博爭雄好彩來金盤一擲萬人開

李白詩

五木之祥

慕容寶因擄捕曰若富貴事可期願得三盧於是三擲
皆盧人謂五木之祥

博齒

博齒揚文公詩以對舞腰

雙鉤

昨夜雙鉤敗今朝百草輸

李義山詩

欲年

善博者不欲年不恐不勝平心定意投得其行由其理

雖不必勝得籌必多

淮南子

博者局戲

博者局戲奕者圍碁也

博奕論

烏曹作博

烏曹作博出系本

上

一枰

所志不出一枰之上所務不過方罫之間枰蒲萌反一

云皮兵反方言投博之枰

上

方罫

見上

死碁皆生

更始帝將相不能防衛而今罫中死碁皆生上

作罫

碁之下守邊趨罫作上

一木之枰

一木之枰孰與方國之封枯碁三百孰與萬人之將枰

善本從木上

投壺門

噉噉

玉女投壺每一投千二百梟設有不入者天為之噉噉
噉呼監反開口笑也列仙傳

驍壺

雜歌曲有驍壺者蓋投壺樂也隋煬帝所造以投壺有
躍矢為驍壺

射之細

鄭康成曰投壺射之細也

箕門

如干

僧如干曰猶言若干傳燈錄

利析秋毫

漢武元狩四年孔僅為大農丞桑弘羊以計筭二人言
利事析秋毫

二銖四參

銖者一兩之二十四分之一也參者一銖十之一也

筭博士

駱賓王之好以數對如秦地重關一百二漢家離宮三

十六號筭博士

並朝野僉載

鉅萬

鉅萬鉅大也大萬謂萬萬也

訖計

山陽郡戶九萬三千口五十萬以上訖計盜賊未得者

七十七人訖盡也

權衡門

黍案

權輕重者不失黍案注十黍為案十案為一銖音蟲來
戈反亦音繫紕之繫西漢律歷志

銖兩

一龠容千二百黍重十二銖兩之為兩二十四銖為兩
十六兩為斤三十斤為鈞四鈞為石上

相門

相面貌

早相面貌頗出肝腸

四六集

百斛重器

唐處士于重善相人謂于琮如百斛重器所貯尚虛其
半時琮為鹽鐵使後果至相位

顏郎衫色

顏真卿問范氏尼曰吾位得五品官否尼指座上紫絲

布云顏郎衫色如此 大中遺事

氣青黃色

玉管照神書氣青黃色喜重重又退之詩眉間黃色見
歸期

人甲天丁

休咎占人甲挨持見天丁 李德裕詩

河目龜文

河目龜文公侯之相龍犀日角帝王之表注額有龍犀

入髮也 辨命論

龍犀入髮 見上

危言覈論

郭林宗雖善人倫不為危言覈論

技能門 無技能附

一秃翁

田蚡怒韓安國曰與長孺皆一秃翁何為首鼠兩端秃

翁言無官位首鼠一前一却也 本傳

僧髮

蜀李台瑕嘗云韓昭凡事如僧剃髮無有寸長

連翩

連翩擊鞠壤輕迅貌曹子建詩

擊鞠見上今之打毬也

薄技

主上幸以先人之故使得奏薄技出入周衛之間

捧心傷手

羨西施之貌效顰始雖捧心仰班輸之能代斲終憂傷

手 四六集

折樹稍

羊侃善用稍觀者登樹折號曰折樹梨

擊蛇法

先當破頭頭破則尾豈能動

崔浩言

戲車

衛綰以戲車為郎事文帝後代劉舍相景帝戲車若今

弄車之技

本傳

狂幸中

東方朔射他物連中郭舍人曰朔狂幸中耳非至數也

洒削

洒削薄技也而鄧氏鼎食注洒削理刀劍名

西漢

左畫方

左畫方右畫圓口誦目數耳聽五事舉無遺失劉炫也

累九卯

荀息累十二篡子加九卵子上晉平公曰危哉

藥名門

地髓

本草地黄一名地髓

小草

郭景純云遠志似麻黃赤花葉銳而黃其苗謂之小草
本草遠志亦名小草

亭長

亭長藥名生於葛上身黑頭赤如亭

蛇粟

蛇粟蛇牀子之異名

羊負來

蒼耳也一名紫耳又云道人頭故貢父詩云蒼耳傳愈
風及秋始堪採惟肯沙塞陰偶從羊負來又曰澡身得
此道人頭使我有意煙霞上

道人頭見上

山獐

山藥按本草名薯蕷唐代宗名預改下一字為藥本朝英宗廟諱上一字改為山今謂之山獐

風實雲字

風實雲字皆仙藥名

漢武故事

天狗 人參也

天猪 菖蒲也

天牛 雌黃也

蓬蘽 覆盆子也

天羊 雄黃也

顛勒 天門冬也

天鼠防風也

馬寫

茱萸一名馬寫一名車前一名當道喜在牛蹄中生今藥中車前子是也

爵耳

幽州人謂卷耳為爵耳

人參讚

高麗人作讚曰三極五葉背陽向陰欲來求我假樹相

尋音賈

葦草

即烏頭也江東呼為葦晉語驪姬將譖申生寘鴆於酒
寘葦於肉

江離

蘼蕪芎藭苗也一名江離

冰臺

冰臺今以入葷也

蔞藜三角

茨一名蔞藜布地蔓生細葉子有三角刺人詩曰牆有茨是也

鴻薈

薤之異名本草謂之菜薤

益母

蒼蘭一名益母故曾子見益母而感

楊杞薊

木一名山薊其生平地而肥大者名楊抱薊今呼為馬薊陶隱居云木有二種有白木有赤木

日精

雲母也太上老君經

山精

古人謂木為山精之卉山薑之精太上導仙銘曰子欲長生當服山精子欲輕翔當服山薑

秋子

茱萸別名秋子

青木香

煬帝西巡將入吐谷渾樊子蓋以彼多瘴氣獻青木香
以禦霧露

兔縷

陸龜蒙詩教踈兔縷金弦亂自擁龍芻紫永微注兔縷
兔絲別名也

玉延

東坡詩淇上白玉延注云淇上山藥一名玉延

神龍

仰折神龍音蹏本草白芷一名龍七命

占候門

車氣騎氣

車氣騎氣徒氣白土功氣黃車氣乍高乍下往往而聚

騎氣卑而布卒氣搏漢志

陳雲

陳雲如立垣

漢志

蜃氣

海旁蜃氣象樓臺廣野氣成宮闕

漢志

若霧

若霧非霧衣冠不濡見則其域被甲而趨

漢志

鱗雜米鹽

七國相王言從橫者繼踵而占天文者因時務論書傳

故其占驗鱗雜米鹽亡可錄者

漢志

時風不至

魏太和中散騎常侍高堂隆奏時風不至必有休廢之氣必有司不勤職事以失天常也

魏志

擇日門

便時

後漢魯丕傳趙王嘗欲避疾便時移住學宮丕不聽言便利吉時也

靈辰

歷吉日協靈辰歷選靈吉也甘泉賦

簡元辰

簡元辰而儆裝元善也思立賦

差時擇日

差時擇日差亦擇也

司分簡日

司分主歷官簡擇吉日也

海錄碎事卷十四

欽定四庫全書

海錄碎事卷十五

宋 葉廷珪 撰

商賈貨財部

商賈門

乾沒

裴松之云謂冒險趨利不計乾燥沉沒也

摧直

摧直退減其價

子錢

子錢利錢也 見前漢貨殖傳

與錢通

湯客田甲雖賈人有賢操始湯為小吏與錢通及為大

吏而甲所責湯行義有烈士之風 張湯傳

重裝富賈

重裝富賈周流天下 淮南王傳

互郎

牙郎當作互郎主互市事也唐人書互作牙轉為牙耳
溫公詩話

倍稱之息

取倍稱之息謂取一償二也稱舉也今俗所謂舉錢也

奇贏

商賈大者積貯倍息小者坐列販賣操其奇贏日游都
市注有餘財而蓄聚奇異之物也一說謂殘餘物也音

居宜反 食貨志

乘堅策肥

乘堅策肥履絲曳縞謂富商如此

食貨志

萬金賈

萬乘之國必有萬金之賈千乘之國必有千金之賈者利有所并也

食貨志

市井子孫

市井子孫不得為官吏漢興如此蓋困辱之也

食貨志

敗水

市舶錄云舶船放洋之時或飄入他國及溺曰敗水

計然

句踐用范蠡計然注一號計研故賓戲云研桑心計於
無垠吳越春秋作計倪

計研

計倪並見上

縹貨

市舶錄云蓋海南諸國縹貨所湊

鹽鹽

猗頓用鹽鹽起注鹽鹽池也於鹽造鹽故曰鹽鹽音古
西漢食貨志

女懷清臺

巴寡婦清其先得丹穴而擅其利用財自衛人不敢犯
始皇以為貞婦而客之為築女懷清臺

同上

倚市門

諺曰以貧求富農不如工工不如商刺繡文不如倚市

門此言末業貧者之資也

治錢

羅袁賈京師為平陵石氏治錢數年間致千餘萬

游閒公子

孔氏南陽大鼓鑄規陂田連騎游諸侯有游閒公子之名然其贏得過當瘡於娥嗇者故南陽行賈盡法孔氏之雍容注瘡勝也娥與纖同貨殖傳

印貴

印貴注言價起也

貨殖傳

賤行

行賈丈夫賤行也而雍樂成以饒

貨殖傳

豪奪

大賈富家不得豪奪吾民

食貨志

鴻商

鴻商富賈舞女成羣

裴子野宋畧

畜五牝

陶朱公曰欲速富蓄五牾

商商賈固

白虎通商之言商也商其遠近通四方之物以聚之也
賈固也固物以待民來求其利也

鸛鵒令

貨至貆戎市呼傳鸛鵒令

水畜

陶朱公養魚經曰威王聘朱公問之曰公家累億金何

術乎朱公曰夫為生之法五水畜第一所謂水畜者魚池也以六畝地為池池中有九洲即求懷子鯉魚以二月上旬庚日內池中養鯉者鯉不相食易長又貴也

貨財門

奧府

焦貢易林曰江河淮海天之奧府衆利所聚可以饒有契刀錯刀

王莽造契刀錯刀契刀其鐫如大錢身形如刀長二寸

文曰契刀直五百錯刀以黃金錯其文曰錯刀直五千

龜貨四品

龜貨四品元龜公龜侯龜子龜

珍寶門

航琛

航琛越海輦贐踰嶂顏延年詩

金璫

金璫綴惠文金璫耳珠也

傳長虞詩

結綠懸黎

佩則結綠懸黎注宋之寶七啓

雍伯玉

搜神記陽雍伯汲水作義漿有一人就飲以石遺之雍種之遂生白璧其地一頃名玉田

蠲忿犀

同昌公主有此犀帶之令人蠲去忿怒

金如意

席闡文獻梁武帝銀裝刀帝報以金如意

南史

三珠樹

三珠樹生赤水其樹如柏葉皆為珠

山海經

火玉

唐東夷所貢火玉置之室中不復挾纊

金樹銀花

和詞條國嘗作金樹銀花銀樹金花供養佛

照夜璣

明皇賜號國照夜璣蓋希代之寶也

明皇雜錄

玉臂支

妃子謂阿蠻曰爾貧無可獻師長待我與爾為命紅桃娘取紅栗玉臂支賜謝阿蠻

楊妃外傳

紅玉支

玄宗曰我祖破高麗獲紫金帶紅玉支二寶朕以岐王初進龍池篇賜紫金帶以紅玉支賜妃子妃子後以賜

阿蠻

明皇雜錄

夜明簾

見簾門

春山瑤

天子至於崑崙之丘以觀春山之瑤海經春作鍾

穆天

子傳

萬金瑤

天子之瑤萬金諸侯之瑤千金大夫百金士五十金庶

人十金

穆天子傳

影犀

洞冥記吹勒國獻犀角表裏有光因名明犀暗中有影亦曰影犀織以為罽如錦綺之文

龍髯拂

龍髯拂元載有之

千歲冰

頗黎千歲冰所化酉陽雜俎

鬼血

碼碯鬼血所化

自然灰

流離馬腦先以自然灰埋之令軟乃可彫刻灰出南海

酉陽雜俎

楓脂

楓脂入地為琥珀世說又以為桃瀋所化

軟玉鞭

天寶中異國獻軟玉鞭屈之首尾相就舒之則勁直如繩乃以聯蟬綉為袋碧蚕絲為鞘碧蚕絲彌羅國所貢

自然碧色縱之一尺引之一丈

杜陽雜編

玻瓈魄

撫言有乾死明月魄無復玻瓈魄

李白詩

燭銀玉果

穆天子至崑崙丘觀寶器有燭銀玉果燭銀銀有光如

燭玉果者石也皆似良玉

穆天子傳

寶苗

山上有蔥下必有銀有薤下必有金有薑下必有銅錫

有玉者木傍枝下垂謂之寶苗

酉陽雜俎

流離

魏畧云大秦國出赤白黑黃青綠縹紺紅紫十種流離
漢書出罽賓國顏師古云此蓋自然之物采澤光潤異
於衆玉今俗所用皆銷冶石汁加以衆藥灌而為之尤
虛脆不貞實非真物

琥珀

廣志博平有琥珀生地中具上及旁不生草深者八九

尺大者如斛削去外皮中成琥珀如升初如桃膠凝堅成也又琥珀一名江珠

壁馬犀

甘泉宮漢武植玉樹以碧玉為葉又以壁為馬及犀牛

甘泉賦註

文玉樹

山海經崑崙之墟北有珠樹文玉樹玕琪樹

珠玉門

耳珠

古詩云何以致區區耳中雙明珠何以致叩叩香囊懸肘後

昭華玉

舜時西王母獻昭華之玉

郢握隨掌

和氏之璧馬能獨曜於郢握夜光之珠何得專玩於隨掌

瓊蕤

陸機詩玉顏侔瓊蕤

木難

明珠交玉體珊瑚間木難碧色珠也

曹子建詩

和氏場

予非荆山璞謬登和氏場

東道彥詩

水碧

郭璞傲睨摘木芝陵波采水碧注水玉也

蚊龍

音史龍屬也明月之珠藏於蚌中蚊龍伏之

廣博物志

照車

魏惠王曰寡人有徑寸之珠照車前後各十二乘者十枚

招涼珠

黑蚌珠能却暑燕昭王得之暑月懷珠體自輕涼號消

暑招涼之珠

拾遺記

清水珠

嚴生得一珠胡人曰此清水珠濁流則渙然清徹也宣

室志

礪硃珠

珠一寸以上謂之大珠次曰走珠次曰礪硃珠也

玉榮

山海經黃帝取密山之玉榮注玉華也

延喜玉

天錫禹元圭曰延喜玉

文選曲水序注

水玉

堂庭之山多水玉注水精也

山海經

苕華之玉

紀年曰桀伐岷山得二女曰琬曰琰斲其名於苕華之玉苕是琬華是琰也

委然

白澤圖玉之精名曰委然狀如美女青衣

蚌病

徑寸之珠非不寶也而蚌之所病

玫瑰

韻集曰玫瑰火齊珠也

青珠黃鑲

青珠黃鑲出蜀郡

璿瑰

山海經西王母之山有璿瑰焉注璿瑰赤玉也

翕絕

瑤瑾翕絕許力反光色也

嵇叔夜琴賦

截肪蒸栗

竊見玉書稱玉白如截肪黑譬純漆赤擬雞冠黃侔蒸

栗

魏文帝書

朱鼈吐珠

南越志海中多朱鼈狀如肺有四眼六腳而吐珠

文魷生玉

南越志海中有文魷鳥鳴似磬而生玉

金門

百鍊剛

何意百鍊剛化為繞指柔

劉越石詩

仲理金

神仙傳仲理居無終山中自合神丹作黃金五十斤救
百民

辱金

金曾在丘塚及為釵釧搜器陶隱居謂之辱金不可合煉

金以溢名

秦兼天下幣為二等黃金以溢為名上幣注二十兩為溢改周一斤之制漢興復以斤名金二等錢為下幣

貨志

赤金

金有三等黃金為上白金為中赤金為下注白金銀也

赤金丹陽銅也

朱提銀

朱提銀重八兩為一流直一千八百五十它銀一流直千是為銀貨二品注朱提縣名屬犍為出善銀諸葛書云漢嘉金朱提銀采之不足以自食

食貨志

黃冶變化

黃冶變化注云鑄黃金也

劉向傳

錦門

重錦

重錦三十兩注錦之熟細者兩疋也

左傳

錦十雙

十疋也以二丈雙行故曰雙亦曰兩

唐書

銅門

五金附

銅奴錫婢

銅之精為奴錫之精為婢

牡銅

鍊銅時一童一女俱以水灌銅銅當分為兩段凸起者

牡銅凹陷者牝銅

雜俎

銀錫白金

武帝時造銀錫白金三品其一圓之其文龍名白撰直三千二百之其文馬直五百三橢之其文龜直三百注雜銀錫為白金橢圓而長他果反

耶谿鋌

耶谿之鋌赤山之精鋌徒鼎反

赤山精

赤山精赤山產鐵處

同上

多銅山

縣官往往即多銅山而鑄錢

食貨志

黃鐵

黃鐵銅也尚書呂刑正義

錢門

無名錢

詔都內別藏張氏無名錢以百萬數注安世以還官官不簿也本傳

開通錢

譚賓錄錢有文如甲跡者因文德皇后也武德中廢五銖錢行開元通寶錢此四字及書皆歐陽詢所為也初進樣后掐一甲跡因是有之

錢氣

地鏡圖曰錢銅之氣望之如青雲

當千錢

孫權赤烏元年鑄當千大錢

永安錢

自魏末用永安錢皆輕濫齊文宣鑄新錢文曰常平五銖

常平五銖

見上

永通萬國

宣帝鑄永通萬國錢以一當千

錢愚

梁臨川王宏積錢三億萬豫章王綜為錢愚論以譏宏

貪吝

緡鎚

緡鎚專用上音旻下舉兩反錢繩也

漢書

榆莢錢

漢惠秦錢重更鑄榆莢錢

赤仄錢

赤仄錢以赤銅為稜

西漢食貨志

子錢

山谷詩惱亂鄰翁謁子錢

撲滿子

齊已有詩祇知滿我腹寧知滿害身到頭須撲破却散
與他人錢藏也

銅官

民坐挾銅炭没入銅官注云主鑄錢之官也

漢書

子母錢

相逢多是醉醺然應有囊中子母錢

褚載詩

足陌錢

大同元年詔自今可通用足陌錢

四柱錢

梁敬帝太平二年鑄四柱錢一當二十後改一當十

短錢

晉平王休祐為荊州以短錢一百賦人田登求白米一

斛

蚨母

開貫瀉蚨母買冰防夏蠅

李賀詩

王清本

元和初洛陽百姓王清傭力得錢五百買枯栗樹將為薪以求利隣人夜偷斫忽見黑蛇舉首如臂曰我王清本也其人失斤而走明日王清薪之復掘其根得二甕散錢因致富遂甕錢成龍形號王清本也

錢龍

馬僕射燧既立勲業頗自矜伐常有陶侃之意故為錢龍至今義士非之

雜俎

五分錢

五分錢所謂英錢者

漢紀

函方

錢圜函方謂外圜而內孔方也

食貨志

臧絰

萬室之邑必有萬鍾之臧臧緡千萬千室之邑必有千鍾之臧臧緡百萬注六斛四斗為鍾緡錢貫管子凶歲糴釜十緡食貨志

子紺錢

赤仄錢一當五以赤銅為其郭所謂子紺錢也

上

真工大姦

上林三官鑄錢而民之鑄錢益少計其費不能相當唯真工大姦廼為之上

幼錢壯錢

莽作錢貨六品小錢徑六分重一銖文曰小錢直一次
七分三銖曰幺錢一十次八分五銖曰幼錢二十次九
分七銖曰中錢三十次一寸九銖曰壯錢四十并前大
錢五十為六品

王老

西京記唐王元寶富厚以錢文如其名因謂錢為王老
沈郎錢

吳興沈充鑄小錢謂之沈郎錢

紫標黃榜

齊臨川王宏恣意聚歛庫室垂有百間性愛錢百萬一聚黃榜標之千萬一庫懸以紫標如此三十餘間

二銖錢

宋廢帝景和元年鑄二銖錢

錢精

青鳧一名錢精取母殺取血塗錢繩入龍腦香少許置

櫃中焚香一爐禱之具錢並歸繩上

銀門

銀一流

銀八兩為一流

集韻

銀山

神異經曰西南有銀山焉長五十餘里

銀氣

地鏡圖曰銀之氣夜正白流散在地撥之隨手散復合

此是也山有蔥下有銀光隱隱正白山有磁石下有銅
若金

市廛門

朝盈夕虛

魯連子曰請以市論市朝則盈夕則虛非朝愛而夕則
憎之勢使然也

摠摠

摠摠都邑人擾擾俗化訛

潘安仁詩

區中緣

想像崑山姿
緬邈區中緣
謝靈運詩

人境

結廬在人境
而無車馬喧
問君何能爾
心遠地自偏
淵明詩

黃鸝巷

在蘇州白公詩
黃鸝巷口鶯欲語
烏鵲橋邊水未消
是非波

潘閬詩紅塵三尺險中有是非波

星貨鋪

市肆以筐筥等鱗次其物以鬻者星貨鋪言羅列如星
繁密今鋪呼為星火鋪非也

資暇集

九市

九市開場貨別隧分

西都賦

司市師

漢書王莽於五都立五均官更名長安東西市令及雒

陽邯鄲臨淄宛成都市長皆為五均司市師

萬商淵

市廛所會萬商之淵

蜀都賦

巨千

羅肆巨千如鉅萬也上

橘市

魚鰕集橘市

李德裕詩

獠市

夷人通商於邕州石溪口至今謂之獠市

嶺表錄

子午會

池州俗喜為問而市井無交易聚落至有期日虛集處謂之子午會

鰾金

異物志狼臙之民夜為市以鼻鰾金知好惡

金市

西征記洛陽舊有二市一曰金市

二市

相期百戲傍去來二市側

何遜

九市

長安有九市其六市在道西三市在道東

西都賦

梅市

在會稽縣下梅福為吳市門卒

會稽記

易市廻肆

農不易市商不廻肆

呂氏春秋

星居

星居者勒為聚落令狐熙治汴州如此

綺羅門 綾絹帛綿等附

織素

古詩新人工織縑故人工織素織縑日一匹織素五丈
餘持縑將比素新人不如故

鶴文綾

客從遠方來遺我鶴文綾 謝惠連詩

輕容

輕容無花薄紗也唐書音訓

衣履天下

地理志齊俗侈作冰紈綺繡號冠帶衣履天下

冰紈

冰紈言鮮潔如冰也漢書

鄭綿絡

秦篝齊縷鄭綿絡宋玉招魂

純綿麗密

荷旃被毳者難與道純綿之麗密旃氊也純綿繒帛也

王褒頌

流黃素

張載四愁詩佳人遺我筒中布何以報之流黃素

筒中布

見上

布門

春燕布

洞冥記波岐國產荃蘼草亦曰春蕪草其皮如絲可以為布所謂春蕪布亦曰香荃布

香荃布

見上

鄧總

凡布細而疏者謂之總鄧氏造有名總者謂之鄧總出

三禮圖

筒中紵

交趾緹絺筒中之紵

撞花布

布有撞花蜀都賦注云有樹名撞其花柔可織布

曳阿錫

曳阿錫注阿細繒錫細布

房中歌

火浣布

火浣布出火山國績木皮為之

夷狄傳

白疊布

高昌國有草實如繭其中絲如細纊名為白疊子國人

取以為布

白越

白越細布也

出越絕書

荃葛

漢書江都王建遣使通越閩王遺建荃葛注云細布也

一作絳

葛越

皆細布吳都賦所謂焦葛升越弱於羅紈者也

五兩

繒布葛越皆五兩為束注古之帛屈其兩端故五兩為

束今帛合兩為疋亦疋偶義

唐音訓

一尺天

羅浮山父與葛篇欲剪箱中一尺天吳娥莫道吳刀澀

李

賀詩

黃潤布

黃潤比筒羸金所過注黃潤細布也盛於筒中其價過

一簾之金蜀都賦



海錄碎事卷十五